

лукнила стилити белгидирниличи, луѓатуначила имџали тинти баянти дурниличи дурхнала пикри битакни кјулайсилизи халбирули саби.

Ишди програмабани халаси пикри бяхичиули саби практический хянчурбачи, чузирра вархъли лукнила, гъайикнила, багълабирнила ишараби кадалтнила масъулти имџали мурхъли ва гъатира чедетаахъили ирзути.

Програмабала гъарил тема кел бутализибад цалабикибси саби. Цабил бутализиб чебаахъили саби, делчунтира цазаманализир тикрардирули, теориялашалти багъудлуми мурхъдарес ва тинтидарес. Киибил бутализиб практикалашалти устадеш чеахъдиклахъес ибси масъала тлашбалтули саби.

Чидни-биалра темаби къяндулхъули диалли тикрардирнилис чедаахъити сягятуни учительлис къяндулхъути темабас яра белкџла хянчурбас пайдаладарес вирар.

Тяп илкъяйда учительла ихтиярлизир далтути сари 11 ибил класслизирра тикрардирнилис чедаахъити сягятуни.

Учительлизиб ихтияр лебси саби бучантани ца тема гъамадли иргъули биалли, илис чедаахъити сягятуни камдалили, цархџилти имџали къяндулхъути темабас харждарес.

Белчудила план хясибли, дарган мезлис ва литературалис чедаахъити сягятуни ишкъяйда дуртџу :

Классуни	Жумяглизир сягятуни	Дарган мезлис	Литературалис
5	4	2	2
6	4	2	2
7	4	2	2
8	4	2	2
9	4	2	2
10	3	1	2
11	3	1	2

Ишди програмаби бег гъалар дурадухъунтири 1992 ибил дуслизир. Кам-гъамти дарсдешуначил гъанна сагадан (хяйнайс) кадахъити сари.